




唐詩別裁

地
二

五
作

土岐文庫
文庫17
W93
8



文庫 17
W93
8



唐詩別裁集引典備註卷十一

長洲沈德潛歸愚選

後學俞汝昌增注

◎劉長卿

中唐詩近收歛選言取勝元氣不完體格卑而聲調亦降矣劉文房工于鑄意巧不傷雅

穆陵關北逢人歸漁陽

逢君穆陵路匹馬向桑乾楚國蒼山古幽州白日

寒城地百戰後耆舊幾家殘處處蓬蒿徧歸人掩

淚看

穆陵關在青州臨朐縣桑乾

逢郴州使因寄嚴協律

卷十一

昭和六十年二月一日贈
土岐善吉磨氏寄

010185190779

隋地理志桂陽郡置郴州

威致蕭疎

相思楚天外。夢寐楚猿吟。更落淮南葉。難爲江上心。衡陽問人遠。湘水向君深。欲逐孤帆去。茫茫何處尋。

岳陽館中望洞庭湖

萬古巴邱戍。平湖北望長。問人何淼淼。愁暮更蒼蒼。晏浪浮元氣。中流沒大陽。孤舟有歸客。早晚達

瀟湘。五六猶有氣。焰然視襄陽。少與岡備攷。巴正山魯肅屯兵處。在岳州府西水經注洞庭湖廣五百里。日月若出沒其中。

比歸次秋浦界清谿館

北

元和郡志秋浦縣屬宣州

萬嶺猿啼斷。孤村客暫依。鴈過彭蠡暮。人向宛陵稀。舊路青山在。餘生白首歸。漸知行近北。不見鷓鴣飛。

彭蠡湖名。漢地理志丹陽郡縣宛陵。異物志鷓鴣形似雌雞。其志懷南不北。徂也。

餘干旅舍

隋地理志鄱陽郡餘干縣

搖落暮天迥。青楓霜葉稀。孤城向水閉。獨鳥背人飛。渡口月初上。鄰家漁未歸。鄉心正欲絕。何處搗寒衣。

卷十一

二

經漂母墓

一統志漂母墓在淮安府城西四十里
寰宇記信為楚王立塚以報漂母信
母墓與漂母墓相
對俗呼東西塚

昔賢懷一飯茲事已千秋古墓樵人識前朝楚水

流渚蘘行客薦山木杜鵑愁春艸茫茫綠王孫舊

此遊方虛谷云意深不露蓋謂楚漢興亡唯有流
水耳一老母之墓樵人猶能識之以其有一

飯之德于時也

史記韓信釣于城下諸母漂有一母飯信數十
日信曰吾必有以重報母母怒曰吾哀王孫而

進食豈
望報乎

送李中丞歸漢陽別業

流落征南將曾驅十萬師龍歸無舊業老去戀明

時此追叙其向日之功獨立三邊靜輕生一劍知茫茫江漢上日暮欲

何之

移使鄂州次峴陽館懷舊居

輿圖備攷武
昌唐鄂州

多慙恩未報敢問路何長萬里通秋雁千峯共夕

陽峴陽館舊遊成遠道使舊居此去更違鄉草露深山裏朝朝滿

客裳

郡 訓皇甫侍御見寄時前相國姑臧公初臨

漢地理志武威郡縣姑臧

離別江南北汀洲葉再黃路遙雲共水沙迴月如霜歲儉依仁政年衰憶故鄉佇看宣室召漢法倚

張綱

送齊郎中典括州即今之

星象移何處旌麾獨向東勸耕滄海畔聽訟白雲中樹色雙溪合猿聲萬嶺同石門康樂住幾里枉

帆通

後漢書郎官上應列宿雙溪在寧國府城下
送王端公入秦赴上都

通典御史二員內二員號為臺端人稱曰端公

舊國無家訪臨岐亦羨歸途經百戰後客過二陵稀秋草通征騎寒城背落暉行當蒙顧問吳楚歲

頻饑望其救時不

左轂有二陵焉
送張繼司直適越

時危身適越事往任浮沉萬里三江去孤舟百戰心春風吳渚綠古木剡溪深明月滄洲路歸雲不可尋

宿北山禪寺

上方鳴夕磬。林下一僧還。密行傳人少。禪心對虎
閒青松。臨古路。白日滿寒山。舊識窗前桂。經霜更
待攀。

維摩經汝往上方界分度四十二回河沙佛十
高僧傳惠永住廬山西林寺常有一虎人或
畏之輒驅出令上山
人去後還後馴伏

尋南溪常道士

一路經行處。莓苔見屐痕。白雲依靜渚。芳艸閉閒
門。過雨看松色。隨山到水源。溪花與禪意。相對亦

忘言。

右丞一派 結意言
其道士能通禪理也
碧澗別墅喜皇甫侍御相訪

荒村帶晚照。落葉亂紛紛。古路無行客。空山獨見
君。野橋經雨斷。澗水向田分。不為憐同病。何人到

白雲。

吳越春秋子胥日子不聞河
上歌乎同病相憐同憂相救

海鹽官舍早春

漢地理志會稽郡縣海
鹽故武原鄉有鹽官

小邑滄洲吏。新年白首翁。一官如遠客。萬事極飄
蓬。柳色孤城裏。鶯聲細雨中。羈心早已亂。何事更
春風。

錢別王十一南遊

留君煙水闊揮手淚沾巾舍飛鳥沒何處青山空向
人長江一帆遠落日五湖春誰見汀洲上相思愁
白蘋

新年作

鄉心新歲切天畔獨潸然句別于盛唐正在此老至居人下春歸在客
先嶺猿同旦暮江柳共風煙已似長沙傳從今又
幾年

松江獨宿

洞庭初下葉孤客不勝愁明月天涯夜青山江上
書二江既入疏韋昭云吳松江錢唐
江也吳地記松江婁江東江為三江

秋一官成白首萬里寄滄洲久被浮名繫能無愧
海鷗

送侯侍御赴黔中充判官

不識黔中路今看遣使臣猿啼萬里客鳥似五湖
人地遠官無法山深俗豈淳須令荒徼外亦解懼
埋輪從黔山

後漢張綱傳漢安元年遣遷八使徇行風俗綱
獨埋其車輪洛陽都亭曰豺狼當道安問狐狸
遂奏大將軍
莫十五事

錢起 和萬年成少府寓直

唐地理志京兆府有萬年縣

赤縣新秋夜。文人藻思催。鐘聲自仙掖。月色近霜臺。一葉兼螢度。孤雲帶雁來。明朝紫書下。應問長

卿才。錢劉以下專工造句。

通典唐縣有赤畿望紫京都所治為赤縣東軒筆錄翰林清要謂之仙掖白帖御史大夫憲臺霜臺六帖詔書封紫泥故云紫書司馬相如字長卿

裴迪南門秋夜對月

夜來詩酒興。月滿謝公樓。影閉重門靜。寒生獨樹秋。鶻驚隨葉散。螢遠入煙流。今夕遙天未。清光幾處愁。月夜螢光自失然遠人烟策則仍見其流矣此最工於體物

一統志北樓一名謝公樓謝朓為宣城太守時建在府治北

送屈突司馬充安西書記

孔融傳江州突吐突並外國姓

制勝三軍勁。澄清萬里餘。星飛隴統驥。箭發魯連書。海月低雲旆。江霞入錦車。遙知太阿劍。計日斬

鯨魚。

三國志龐士元非百里才使處治中別駕之任始可展其驥足庚信詩願得魯連飛一箭持寄思歸燕將書史記服太阿之劍

送少微師西行

隨緣忽西去。何日返東林。世路無期別。空門不住

心人煙一飯少山雪獨行深天外猿啼處誰聞清

梵音

南史顧歡傳物有八萬四千行說有八萬四千
法法乃至于無數行亦達于無央等級隨緣須
導歸一惠遠居東林淨住子出入苦空門
少第寂滅觀法華經梵音海潮音勝彼世間
音

送僧歸日本

唐書日本古倭奴在海中
島濤開皇末始與中國通

上國隨緣住來途若夢行浮天滄海遠去世法舟
輕水月通禪寂魚龍聽梵聲惟憐一燈影萬里眼
中明

左注上國諸夏何遜詩南荆擅荆梓上國稱羽
儀晉天文志天在地外水在天外水浮天而
載地者也海賦浮天無岸末書天竺迦毗黎
國傳無上法船濟諸沉溺維摩詰經譬一燈
然百千燈宜者皆明明終不盡

題温處士山居

誰知白雲裏别有綠蘿春苔繞溪邊徑花深洞裏
人逸妻看種藥稚子伴垂綸穎上逃堯者何如此
養真許由之逃虛言其高不如
日用常行中自存逸趣也
郭璞遊仙詩
萊氏有逸妻

送夏侯審校書東歸

楚鄉飛鳥外獨與片帆還破鏡催歸客殘陽見舊

山詩成流水上。夢盡落花間。倚寄相思字。愁人定解顏。

古樂府破鏡飛上天。解題云破鏡者月半缺也。破鏡飛上天者言月半當還也。

送征鴈

秋空萬里靜。嘹唳獨南征。風急翻霜冷。雲開見月驚。塞長憑去翼。影滅有餘聲。悵望遙天外。鄉愁滿目生。

◎韋應物

奉送從兄宰晉陵

東郊春草歇。千里夏雲生。立馬愁將夕。看山獨送

行。依微吳苑樹。迢遞晉陵城。慰此斷行別。邑人多頌聲。

漢書長洲苑注。服虔曰吳苑蓋康曰以江水洲為苑。晉陵今常州。

送汾城王主簿

曹地理志。慈州汾城郡。本汾州。貞觀八年更名。

少年初帶印。汾上又經過。芳艸歸時遍。情人故郡多。禁鐘春雨細。宮樹野煙和。相望東橋別。微風起夕波。

送別覃孝廉

思親當自去。不第未蹉跎。家住青山下。門前芳艸

多稀歸通遠。微。巫峽注驚波。州舉年年事。還期復
幾何。說得心平氣和送
漢地理志。南郡。歸縣。歸鄉。故歸國。巫峽在
蜀。唐選舉志。詔諸州。明經秀才。歲隨方物。人
貢。

送元倉曹歸廣陵

官閒得去住。告別戀音徽。舊國應無業。他鄉到是

歸。夢山明月滿。淮甸夜鐘微。何處孤舟別。遙遙心

曲遠。

賦得暮雨送李曹

楚江微雨裏。建業暮鐘時。漠漠帆來重。冥冥鳥去

遲。海門深不見。浦樹遠含滋。相送情無限。沾襟比
散絲。

淮南子。荆楚之地。江漢以為池。吳志。孫權傳。改秣陵為建業。地理志。京江口外有海門。張協詩。密雨如散絲。

淮上喜會梁州故人

山海經。淮水至下邳。淮陰縣與泗水合。梁州。今河南開封府。

江漢曾為客。相逢每醉還。浮雲一別後。流水十年

閒。歡笑情如舊。蕭疎鬢已斑。何因不歸去。淮上有

秋山。語意好。然淮上實無山也。

卷十一

十一

送李將軍赴鄧州 應是定州即古之中山 近今之真定若南陽鄧

州與詩中 意不合

雙旌漢飛將 萬里獨橫戈 極警拔 語有承則以
春色臨關盡 黃雲出塞多 莫云斷春 色女
多鼓鼙悲絕漢 烽戍隔長河 想到陰山北 天驕已

請和

唐百官志節度使賜雙旌節 陰山在域外 天驕指單于 巴蜀檄交臂受事 屈膝請和

送楊中丞和蕃

錦車登隴日 邊草正萋萋 舊好隨君長 新愁聽鼓
驚河源飛鳥外 雪嶺大荒西 漢壘今猶在 遙知路
不迷

梁元帝賦賦錦車而爵駕 隴阪河源在西北 域 班超傳注西域有白山通歲有雪亦名雪山

送錢大

暮蟬不可聽 落葉豈堪聞 其是悲秋客 那知此路
分 荒城背流水 遠鴈入寒雲 陶令東籬菊 餘花可
贈君 高仲武謂工於發端然不可聽豈堪聞未免 於複愿謂結意望其能秉高節更耐尋繹也
送賈奚歸吳

東南富春渚 曾是謝公遊 今日奚生去 新安江正
秋 水容清過客楓 葉落行舟遙想赤亭下 聞猿應
夜愁

謝靈運詩定山緬雲霧赤亭無淹薄水經注舉水又南東歷赤亭下又謂之赤亭水

送彭偃房由赴朝因寄錢大郎中李十七

舍人

衰病已經年西峯望楚天風光欺鬢髮秋色換山川寂寞淨雲外支離漢水邊平生故人遠君去話

溪

春日宴張舍人宅

唐百官志中書省舍人六人掌侍進奏參議表章起居舍人二人掌修詔言之史通事舍人十六人掌朝見引納殿庭通奏

懶尋芳艸徑來接侍臣筵山色知殘雨牆陰覺暮

天鶯歸漢宮柳花隱杜陵烟地與東鄰接春光醉

目前

皇甫冉字茂政丹陽人十歲能詩文天寶中成進士第一官無錫尉左金吾兵曹

大歷中遷右補闕

巫山高

巫峽見巴東迢迢出半空雲藏神女館雨到楚王宮朝暮泉聲落寒暄樹色同清猿不可聽偏在九

秋中終蒨穩稱可繼沈雲卿作

江賦巴東之峽夏后疏鑿神女楚王見卷一陳子昂詩

送韓司直

遊吳還適越來往任風波復送王孫去其如芳艸
何岸明殘雪在潮滿夕陽多季子留遺廟停舟試

一過

一統志季子廟在常州府治東南又無錫縣西三十里亦有廟

送康判官往新安

不向新安去那知江路長猿聲近廬霍水色勝瀟
湘驛路收殘雨漁家帶夕陽何須愁旅泊使者有

輝光

輿圖備及徽州晉曰新安有新安江江淹詩
平明登雲峯杳與廬霍絕廬山在尋陽霍山在
蔡山縣沈約詩序新安
江水至清淺深皆見底

奉和王相公早春登徐州城

一統志項羽為西楚霸王
置徐州漢改為彭城郡

落日憑危堞春風似故鄉川流通楚塞山色遶徐
方壁壘依寒艸旌旗動夕陽元戎資上策南畝起
耕桑

途中送權三兄弟

淮海風濤起江關幽思長同悲鵲繞樹獨作鴈隨
陽山晚雲和雪汀寒月映霜由來濯纓處漁父愛
滄浪

魏武詩月明星稀烏鵲南飛繞樹三匝無枝可
依鴈隨陽之鳥楚詞滄浪之水清兮可以

濯我纓滄浪之水
濁兮可以濯我足

趨渡洛水

水經洛水出京兆上洛縣家

曠色赴春愁歸人南渡頭
嶺山東北過鞏縣人于河
清煙空翠台灘月碎光

流澧浦饒芳草滄浪有釣舟
楚詞遺余佩兮澧浦水經注
誰知放歌處此意正

悠悠

楚詞遺余佩兮澧浦水經注
水出荆山東西流為滄浪之水

逢莊納因贈

世故還相見天涯共向東
春歸江海上人老別離
中郡吏名何晚沙鷗道自同
甘泉須早獻且莫歎

飄蓬

列子端木賜不治世故放意
所好潘岳詩世故尚未夷

皇甫曾字孝常冉之弟也夫寶中第進士歷
侍御史坐事貶舒州司馬陽翟令詩

與兄齊名

送人往荊州亦作李端詩

草色隨驄馬悠悠同出秦
水傳雲夢曉山接洞庭
春帆影連三峽猿聲近
四鄰青門一分手難見杜
陵人

雲夢澤洞庭湖在荊州三峽在蜀
青門長安城門名杜陵在長安

送李中丞歸本道

卷十一

上將官分關雙旌復出秦關河三晉路賓從五原
人孤處雲通海平沙雪度春酌恩看玉劍何處有
煙塵

南史宋文紀事垂分關史記注韓趙魏時號
三晉舊書鹽州五原縣天寶元年改五原郡

送孔徵士

谷口為幽處君歸不可尋家貧青史在身老白雲
深埽雪開松逕疏泉過竹林余生負五壑相送亦
何心

司空曙 字文明廣平人登進士第貞元中為水部郎中終虞部

雲陽館與韓紳宿別

唐地理志京兆府領雲陽縣

故人江海別幾度隔山川乍見翻疑夢相悲各問
年孤燈寒照雨深竹暗浮煙更有明朝恨離杯惜
共傳 三四寫別久忽遇之情五六夜中共宿之
景通體一氣無銜自習小時已為高格矣

賊平後送人北歸

世亂同南去時清獨北還他鄉生白髮舊國見青
山曉月過殘壘繁星宿故關寒禽與哀艸處處伴

愁顏 四語與殘陽
見舊山詞妙

蜀都賦時貨山
積鐵麗星繁

送鄭明府貶嶺南

初學記嶺南道禹貢揚州之南境其地皆粵之分自嶺而南至海盡其地

青楓江色晚。楚客獨傷春。共對一尊酒。相看萬里人。猜嫌成謫宦。正直不妨身。莫畏炎方久。年年雨露新。

經廢寶慶寺

黃葉前朝寺。無僧寒殿開。池晴龜出曝。松暝鶴飛回。古砌碑橫草。陰廊畫雜苔。禪宮亦消歇。塵世轉堪哀。

喜外弟盧綸訪宿

爾雅姑之子為外兄弟

靜夜四無鄰。荒居舊業貧。雨中黃葉樹。燈下白頭人。以我獨沉久。媿君相訪頻。平生有深意。况是蔡家親。

博物志蔡伯階母袁曜卿之姑

盧綸

送李端

故關衰艸徧離別。正堪悲路出寒雲。外人歸暮雪時少。孤為客早。多難識君誰掩泣。空相向。風塵何所期。

送都尉歸邊

好勇知名早，爭雄上將間。戰多春入塞，獵慣夜燒山。合陣龍蛇動，移軍艸木閒。今來部曲盡，白首過

蕭關

太曰陰經龍虎鳥蛇為四奇門後魏書文成帝紀和平二年制戰陣之法十餘條有飛龍騰鯨魚麗之變

夜中得循州趙司馬侍郎書因寄回使

一統志廣東惠州府秦漢南海郡隋改循州唐書兵部侍郎掌天下武官選授及地圖與甲仗之政令

瘴海寄雙魚，中宵達我居。兩行燈下淚，一紙嶺南書。地說炎蒸極，人稱老病餘。殷勤報買傳，莫其酒

杯疎

古詩客從遠方來遺我雙鯉魚

題崔端公園林

上士愛清輝，開門向翠微。抱琴看鶴去，枕石待雲歸。野坐苔生席，高眠竹挂衣。舊山東望遠，惆悵暮

花飛

老子上士聞道勤而行之

李

趙州人大歷五年進士從端州馬郭暖遊在杭州刺史

聞吉中孚還俗因而有此贈

聞道華陽客，儒衣謁紫微。舊山連藥竇，孤鶴帶雲

卷十一

歸柳市名猶在桃源夢已稀還家見鷓鴣鳥應嫌背

船飛還俗歸於正也詩

龍城錄茅山道上吳綽採藥于華陽洞口見一小兒手把三珠戲于松下綽從之奔入洞中化為龍漢章萬使長安繼盛街間各有豪俠章在城西柳市桃源見卷五王維詩列于海上人有好鷓鴣鳥者每旦從鷓鴣鳥遊鷓鴣至者百數其父曰取來吾玩之明日鷓鴣鳥舞而不下

顧况

洛陽早春

何地避春愁終年憶舊遊一家千里外百舌五更頭客路偏逢雨鄉山不入樓故園桃李月伊水向東流

禮注反舌百舌鳥 山海經熊耳之山伊水出焉南人下洛

耿滌字淇源河東人寶應元年進士官右拾遺

早朝

鐘鼓餘聲裏千官向紫微昌寒人語少乘月燭來稀清漏聞馳道輕霞映鎖闥猶看嘶馬處未啟掖垣扉

漢舊儀黃門郎日暮入對青瑣門拜

春日即事

數畝東臯宅青春獨屏居家貧僮僕慢官罷友朋疎強飲沽來酒羞看讀破書閒花更滿地惆悵復

何如

三四語當時傳誦少陵云讀書破萬卷下筆時有神此云羞看言讀破者之少也

李嘉祐

字從一趙州人天寶中擢第官秘書正字大歷中至元州刺史

和都官苗員外秋夜寓直對雨簡諸知己

唐職官志刑部郎官員外郎一員從六品

多雨南宮夜仙郎寓直時漏長丹鳳闕秋冷白雲

司螢影侵階亂鴻聲出苑遲蕭條人吏散小謝有

新詩玄暉有直中書省及觀朝雨

漢書漢建尚書百官府曰南宮唐書刑部侍郎制曰幾白雲之司漢書注黃帝以雲紀官秋官為白雲

送王收吉州謁使君叔

一統志吉安府漢屬豫章郡喻置吉州

細草綠汀洲王孫耐薄遊年華初冠帶文體舊弓

裘野渡花爭發春塘水亂流使君憐小阮應念倚

門愁天然名秀當時稱其齊梁風格不虛也

楚詞王孫遊兮不歸春草生兮萋萋禮良治之子必學為蓑良弓之子必學為箕古樂府使君自南來五馬立踟躕

至七里灘作

遷客投於越臨江淚滿衣獨隨流水去轉覺故人

稀萬木迎秋序千峯駐晚暉行舟猶未已惆悵暮

潮歸

卷十一

十九

漢貨殖傳辟猶戎翟之與於越不相入矣師古曰於發語聲於越猶句吳耳

奉陪韋潤州過鶴林寺

輿圖備攷鎮江府潤州西南黃鶴山上有鶴林寺

野寺江城近。雙旌五馬過。禪心超忍辱。梵語問多羅。松竹聞僧老。雲煙晚日和。寒塘歸路轉。清磬隔

微波。

陰符經長莫長于博謀安莫安于忍乎法

諱經佛氏以修多羅為經毘尼為律

酬劉員外見寄

蘇耽佐郡時。近出白雲司。藥補清羸疾。窻吟絕妙

慢

詞柳塘春水漫。花塢夕陽遲。欲識懷君意。明朝訪

機師。歐公云天容時態融和驗蕩如在目前

水經注蘇耽柳縣人少孤養母至孝忽辭母云受性應仙當違供養乘白馬還山中自雲司見前李嘉祐詩世說楊修過曹娥碑碑陰題黃絹幼婦外孫壘日八字黃絹色絲也字為絕幼婦少女也字為辭蓋謂絕妙好辭也字為好壘日受辛也字為辭蓋謂絕妙好辭吳都賦篇

荆溪館呈即義興

一統志宜興縣吳荆溪地秦置陽羨縣隋改義興又漕溪上有荆溪館

失路荆溪上。依人忽暝投。長橋今夜月。陽羨古時州。野燒明山郭。寒更出縣樓。先生能館我。無事五

卷十一

三

湖遊

一統志長橋在宜興縣治南晉周處斬蛟于此古樂府燒火燒野出

送弟

疎懶吾成老才華爾自強早稱眉最白何事綬仍黃時暑嗟于邁家貧念聚糧祇應宵夢裏詩興屬池塘

蜀志馬良字季長兄弟五人並有才名鄉里諺曰馬氏五常自眉故良良眉中有白毛也漢輿服志四百石二百石二百石黃綬詩周王下邁莊子適白里者宿春糧適千里者三月

聚

劉方平

河南人不樂仕進元魯山與之善蕭頤士礪之

新春

南陌春風早東鄰曙色斜一花開楚國雙燕入虛家眠罷梳雲髻粧成上錦車誰知如昔日更浣越溪紗詩意咏美人新春與泛然詠春不同

秋夜汎舟

林塘夜汎舟蟲響荻颼颼萬影皆因月千聲各爲秋歲華空復晚鄉思不堪愁西北浮雲外伊川何處流巧而不纖

韓翃

字君平南陽人大吏辟爲從事不得意家苦一日夜將半叩門急賀曰旨除駕部郎中知制誥翃曰誤矣客曰制誥乏人中書兩進名不從又請曰與韓翃時有同

姓名者為江淮刺史又且二人同進御批與詠春城無處不飛花之韓翃此君詩也翃始信時建中初也終中書舍人

送壽川陳錄事

壽陽南渡口。斂笏見諸侯。片雨楚雲暮。千家淮水秋。開簾對芳艸。送客上春洲。請問山中桂。王孫幾度遊。

唐地理志樂平郡統壽陽縣南史環纓斂笏俯仰晨昏

題薦福寺衡陽岳師房

輿圖備攷江西饒州府東薦福山上有薦福寺

春城乞食還。高論此中間。僧臘階前樹。禪心江上

山。疎簾看雪捲。深戶映花關。晚送門人去。鐘聲杳霽間。

梅花落

樂府解題梅花落笛中曲也

新歲芳梅樹。繁華四面同。春風吹漸落。一夜幾枝空。少婦今如此。長城恨不窮。莫將遼海雪。來比後庭中。

陸機詩北戍長城沙

寄武陵李少府

後漢南蠻傳秦伐楚置黔中郡漢興改為武陵

小縣春生日公孫吏隱時楚歌催晚醉蠻語入新
詩桂水遙相憶花源暗有期郢門千里外莫恠尺
書遲

晉孫綽傳嘗謂人曰山濤吾所不解吏非吏隱
非隱若以元禮門為龍津則富黠額暴鱗矣
漢書注楚歌者楚人之歌世說郝隆為桓公
南蠻奏軍三月三日會作詩陸攬筆作一句云
姬闕濯清池桓問姬闕何物答曰蠻名魚為姬
闕但公曰作詩何以作蠻語陸曰千里投公始
得蠻府奏軍那得不作蠻語也輿圖備攷
桂水在廣東韶州府西北桃花源在武陵

入塞曲

留滯邊庭久歸思歲月賒黃雲同入塞白首獨還

家宛馬隨秦艸胡人問漢花還傷李都尉含憤沒
黃沙

李都尉尉陵

鄭錫未詳

送客之江西

乘軺奉紫泥澤國渺天涯九泝春潮滿孤帆暮雨
低草深鶯斷續花落水東西更有高堂處知君路
不迷昔雨則帆重體物
之妙在一低字

招一馬車詔書封紫泥周禮澤國用龍節江有九派

隴頭別

秋盡初移幙。露寒一送君。據鞍窺古堞。開竈燕寒雲。登隴人迴首。臨關馬顧羣。從來斷腸處。皆向此中分。

漢嘗亭堞。何侯望敵之所。秦法十里一堞。國策孫臏滅龐以敗魏軍。注竈軍竈也。

度關山

象弭插文犀。魚腸瑩鸛鷓。水聲分隴咽。馬色度關遼。西迷曉幕胡沙慘。危峯漢月低。仍聞數騎將。更欲出

詩象弭魚服。七啟飾以文犀。吳越春秋吳王得越所獻寶劍。一曰魚腸。鸛鷓膏中。磬刀。包。何。字幼。諱里。居未詳。天寶中。進士。大曆中。官起居舍人。

送泉州李使君之任

廣輿記福建泉州府唐曰泉州

傍海皆荒服。分符重漢臣。雲山百越路。市井十洲人。執玉來朝遠。還珠入貢頻。連年不見雪。到處即行春。

漢文南取百粵之地。以為桂林象郡。十洲記漢武帝開王母說巨海之中有祖洲瀛洲玄洲炎洲長洲元洲流洲生洲鳳麟洲聚窟洲此十洲乃人跡稀絕處。左執玉帛者萬國。後漢順帝紀。永建四年。詔桂陽太守文鬱。不惟竭忠宣暢本朝。而遠獻大珠。以求幸媚。封以還之。唐高宗紀。永徽六年十一月。傳諸州貢珠。

崔峒

宋詳

題崇福寺禪師院

僧家竟何事。埽地與焚香。清磬度山翠。閒雲來竹房。身心塵外遠。歲月坐中忘。向晚禪堂掩。無人空夕陽。

于良史

良史為張徐州建封從事。重其詩薦於朝官。至侍御。

冬日野望

地際朝陽滿。天邊宿霧收。風兼殘雪起。河帶斷冰流。北闕馳心極。南圖尙旅遊。登臨思不已。何處可銷憂。

閒居寄薛華

隱几讀黃老。蕭齋耳目清。僻居人事少。多病道心生。雨洗山木溼。鴉鳴池館晴。晚來因廢卷。行藥至西城。

史記申不害學本黃老。鮑照有行藥至城東橋詩。注因病服藥。行以宣導之。

戎。昱。荆南人。登進士第。建中中。為辰虔二州刺史。憲宗朝。北狄頻寇邊。大臣奏古者和親有五利。而無費。帝曰。朕記得詩人詠史一篇云。漢家青史上。計拙是和親。侍臣以戎昱對。帝笑曰。魏絳之功。何其儒也。自是息和番之議。

詠史

漢家青史上。計拙是和親。社稷依明主。安危托婦人。豈能將玉貌。便擬靜胡塵。地下千年骨。誰為輔。

佐臣

議論正大 且又有句云過從纔後重恩合死前謂此議論之佳者

塞下曲

北風凋白草胡馬日駸駸夜後戍樓月秋來邊將心鐵衣霜雪重戰馬歲年深自有盧龍塞煙塵飛至今

一統志盧龍塞在永平府魏曹操北征田疇引軍出盧龍塞聖山溼谷五百里即此處

桂州臘夜

隋地理志始安郡梁道桂州廣輿記廣西桂林府梁桂州

坐到三更盡歸仍萬里賒雪聲偏傍竹寒夢不離家曉角分殘漏孤燈落碎花二年隨驃騎辛苦向

天涯

唐書兵志驃騎車騎一府皆有將軍

李益

喜見外弟又言別

十年離別後長大一相逢問姓驚初見稱名憶舊容別來滄海事語罷暮天鐘明日巴陵道秋山又幾重與半見翻疑夢相悲各問年撫衷述悵同一情至一氣旋折中唐詩中僅見者

子 鵲貞元時人未詳里居出處

送客臨邊

若到并州去誰人不憶家寒深無伴侶路盡只平

沙磧冷唯逢雁。天春不見花。莫隨征將意。垂老事輕車。

一統志山西古冀州地漢置并州鮑照詩始從張校尉後逐李輕車

哭劉夫子

近問南州客。云亡已數春。痛心曾受業。追服恨無親。孀婦歸鄉里。書齋屬四鄰。不知經亂後。莫祭有何人。

題鄰居

僻巷鄰家少。茅簷喜並居。蒸梨常共竈。燒薤亦同渠。傳屐朝尋藥。分燈夜讀書。雖然在城市。還得似

樵漁語語中

有鄰在竇叔向字遺直扶風人與常衮善衮為相用為左拾遺貶出為溧水令後贈工部尚書諸子常牟羣岸擘皆以詩名

過擔石湖

曉發魚門戍。晴看擔石湖。日啣高浪出。天入四空無。咫尺分洲島。纖毫指舳舻。渺然從此去。誰念客帆孤。

左注魚門祁城門豫章古今記擔石湖江西東北如石堆湖心遂成小山

朱灣字巨川蜀人貞元元和

秋夜宴王郎中宅賦得霜中菊

衆芳春競發，寒菊露偏滋。受氣何曾異，開花獨自遲。
遲晚成猶有，分欲採未過時。忍棄東籬下，看隨秋草衰。

戴叔倫 高仲武謂叔倫骨氣稍輕，鼻公武謂爾時詩格口卑，幼公已云。矯矯愚不能人云亦云也。

除夜宿石頭驛

水經注：嶺水西岸有盤石，謂之石頭驛。在豫章郡北。
旅館誰相問，寒燈獨可親。一年將盡夜，萬里未歸人。
寥落悲前事，支離笑此身。愁顏與衰鬢，明日又逢春。
應是萬里歸來宿於石頭驛未及到家也。不然石城與金壇相距幾何而云萬里乎。

壯子支離其形者，猶足以養其身。終其天年，又况支離其德者乎。

汝南逢董校書

漢地理志汝南郡高帝置。

擾擾倦行役，相逢陳蔡間。如何百年內，不見一人閒。
閒對酒惜餘景，問程愁亂山。秋風萬里道，又度穆陵關。
前人有誰人肯向死前閒。句讀三四語為之慨然。

山居即事

巖雲掩竹扉，去鳥帶餘暉。地僻生涯薄，山深俗事稀。
養花分宿雨，剪葉補秋衣。野渡逢漁子，同舟蕩月歸。

卧病

門掩青山卧，莓苔積雨深。病多知藥性，客久見人心。衆鳥趨林健，孤蟬抱葉吟。滄洲詩社散，無夢盍朋簪。

晉書滄洲遁跡二易豫卦九四由豫大有得勿疑朋盍簪

楊巨源

長城聞笛

孤城笛滿林，斷續共霜砧。夜月降羌淚，秋風老將心。靜過寒壘遍，暗入故園深。惆悵梅花落，山川不可尋。

唐詩別裁集引典備註卷十二

長洲沈德潛歸愚選

後學俞汝昌增注

韓愈

祖席得秋字

本集注為王涯徙袁州作

淮南悲木落，而我亦傷秋。况與故人別，那堪羈宦愁。榮華今異路，風雨昔同憂。莫以宜春遠，江山多勝遊。大歷以下無人解此用筆矣昌黎高超邁俗南子云長年悲木落

唐地理志袁州宜春郡宜春縣

送桂州嚴大夫名

蒼蒼森八桂。茲地在湘南。江作青羅帶。山如碧玉簪。戶多輸翠羽。家自種黃甘。遠勝登仙去。飛鸞鳥不假。驂。

山海經桂林有八樹在番禺東 說文簪差也 輿圖備攷桂林府土產有翠羽 南方草木狀桂屬唐蕭嵩傳荆州進 黃柑正韻甘果名俗作柑

奉和兵部張侍郎酬鄆州馬尚書被召途中見寄開緘之日馬帥已再領鄆州之作

張名賈 馬名總 一統志漢東平 國隋改置鄆州

來朝當路日。承詔改轅時。再領須句國。仍遷少昊

司。暖風抽宿麥。清雨卷歸旗。賴寄新珠玉。長吟慰

我思。左傳僖公二十一年邾人滅須句地在東平 須昌縣秋帝少昊主刑時馬總加檢核刑部

尚書 荀子以言贈人 重于金石珠玉

柳宗元

酬徐二中丞普寧郡內池館即事見寄

隋地理志永平郡縣普寧唐地理志容州普寧郡下武德年置貞觀八年更名

鷓鴣念舊行。虛館對荒塘。落日明朱檻。繁花照羽觴。泉歸滄海近。樹入楚山長。榮賤俱為累。相期在

故鄉榮賤合已與
中丞言之

梅雨

四時纂要梅熟而雨曰
梅雨江東呼為黃梅雨

梅實迎時雨蒼茫值晚春愁深楚猿夜夢一斷越雞
晨海霧連南極江雲暗北津素衣今盡化非為帝

京塵活用陸士衡語所以
念帝鄉傷放逐也

風俗通夏至前為黃梅先時為迎梅雨後之為
送梅雨若沾衣服甚熱莊子越雞不能伏鵝
卵注越雞小雞陸機詩
京洛多風塵素衣化為緇

劉禹錫

歲夜詠懷

彌年不得意新歲又如何念昔同遊者而今有幾
多以閒為自在將壽補蹉跎春色無新故幽居亦
見過

八月十五夜

天將今夜月一遍洗寰瀛暑退九霄淨秋澄萬景
清星辰讓光彩風露發晶英能變人間世儵然是
玉京

杭中書交都玉京七寶山週
迴九萬里在大羅天之上

張籍

薊北旅思

日日望鄉國空歌白紵詞長因送人處憶得別家

時失意還獨語多愁祇自知客亭門外柳折盡向

南枝五六平平
中晚通病

樂府有白
紵歌辭

夜到漁家

漁家在江口潮水入柴扉行客欲投宿主人猶未

歸竹深村路遠月出釣船稀遙見尋沙岸春風動

草衣三四直日語
以自然得之

李賀

七夕

字長吉，世居福昌，京兆長安人。能詩，工書，善畫，尤長於歌詩。其詩多感傷，世稱李長吉。其詩多感傷，世稱李長吉。其詩多感傷，世稱李長吉。

別浦今朝暗羅幃午夜愁鵲辭穿線月花入曝衣

樓天上分金鏡人間望玉鉤錢塘蘇小小又值一

年秋

爾雅翼相傳七夕牛女會於漢東烏鵲為梁以渡故毛皆脫去天寶遺事七夕嬪妃各執九

孔釗五色線向月穿之過者為得巧西京雜記太液池西有漢武帝曝衣樓七月七日宮女

出后衣曝之

鮑溶

薦冰

字德源未詳里居元和進士歐陽永叔稱其詩清約嚴謹為近世之能者

唐書仲春薦冰

西陸宜先啟春寒寢廟清歷官分氣候天子薦精

卷十一

誠已辨瑤池色如和玉珮鳴禮餘神轉蕭不盡此時情

左古老曰在北陸而藏冰西陸朝觀而出之

◎張

字承吉清河人嘗客淮南杜牧深重之愛丹陽曲阿池藥室卜隱以終長慶中祜為合狐楚所知白草薦表合以詩三百首隨薦表進元稹在內廷上問之稹曰雕蟲小技非夫不為或獎激之恐變陛下風教上領之遂失意東歸

登廣武原

郡國志榮陽有廣武城在三室山下山之東西並曰廣武

廣武原西北華夸此浩然地盤山入海河遠國連天遠樹千門色高檣萬里船鄉心日云暮猶在楚

城邊

有氣魄有筆力此公金山詩最為庸下偏以此得名真不可解

題松汀驛

山色遠含空蒼茫澤國東海明先見日江白迴聞風鳥道高原去人煙小逕通那知舊遺逸不在五湖中

◎姚合

陝州人崇之元孫元和中進士為武功主簿歷官觀察使終秘書監以詩名重於時選有極元集取王維等二十六人詩百篇曰此詩中射鵰手也

春日早朝寄劉起居

唐書職官起居郎從六品掌起居注錄天子之言動法度以修記事之史

九衢寒霧歛雙闕曙光分彩仗迎春日香煙接瑞

卷十二

五

雲珮聲清漏聞天語侍臣聞莫笑馮唐老還來謁
聖君

史記馮唐傳馮唐者其大父趙人唐以孝著為中郎署長事文帝拜車騎都尉武帝立求賢良舉馮唐唐時年九十餘不能復為官乃以唐子馮遂為郎

賈島 字浪仙范陽人初為浮屠名無本元和

都韓昌黎奇其詩令返初服文宗時官長江主簿

暮過山村

後李洞全學此種

數里聞寒水山家少四鄰
惟禽啼曠野落日恐行人
初月未終夕邊烽不過秦
蕭條桑柘外煙火漸

相親 落日初月平頭之病

贈王將軍

宿衛爐煙近除書墨未乾
馬曾金鏃中身有寶刀
癡父子同時捷君王畫陣看
何當為外帥白日出長安
中晚五律亦多作製然蒼莽之氣不存所以難與前人分道此篇庶幾近之

宿山寺

眾岫聳寒色精廬向此分
流星透疎木走月逆行
雲絕頂人來少高松鶴不羣
一僧年八十世事未

曾聞 長江有秋風吹渭水落葉滿長安句風格頗高惜通體不稱故不全錄

周賀 字南卿初為僧與賈島無可齊名後姚合愛其詩加以冠巾

長安送人

上國多離別。年年渭水濱。空將未歸意。說向欲行人。
鴈度池塘月。山連井邑春。臨岐惜分手。日暮一
露巾。

李德裕 字文饒。趙郡人。宰相。吉甫子。也以蔭
御史中丞。牛增孺。李宗閔。進。怨。吉甫。出。德裕
為。浙。江。觀。察。使。太。和。中。召。還。拜。中。書。門。下。平
章。事。封。贊。皇。縣。伯。為。李。訓。鄭。注。所。惡。王。璠。李
漢。復。潘。之。賤。太。子。賓。客。分。司。東。都。武。宗。立。復
相。拜。太。尉。封。衛。國。公。翊。贊。之。功。唐。室。幾。於。復
振。宣。宗。即。位。終。以。黨。人。交。構。貶。崖。州。司。戶。卒
有。詩。曰。八。百。孤。寒。素。不。遺。餘。力。及。謫。官。南。去。或
卽。汲。引。一。端。可。以。知。其。生。平。矣。其。論。文。云
譬。如。日。月。終。古。常。見。而。光。景。常。新。斯。為。至。論

秋日登郡樓望贊皇山感而成詠

昔人懷井邑。為有挂冠期。顧我飄蓬者。長隨泛梗
移。越險因病感。潘鬢入愁悲。北指邯鄲道。應無歸

去

去期 一氣直下。以行文之法。
成詩。小家數。不解辨此。

商子今夫飛蓬遇颶風而行于千里。乘風之勢也。
國策蘇代謂孟嘗君曰。臣過於海。上有土偶。
人與桃梗相與語。桃梗謂土偶曰。子西岸之土。
也。挺子以為人。淄水至則汝殘矣。土偶曰。吾西
岸之士也。土則復西岸耳。今子東國之桃梗也。
刻削子以為人。淄水至流子而去。則漂漂者將
如何耳。

題劍門

奇峯百仞懸清眺。出嵐煙。迥若戈回日。高疑劍倚
天。參差霞壁聳。合沓翠屏連。想是三刀夢。森然在

目前

王海橫倚天之劍揮曉日之戈晉書王濬夢懸三刀于屋梁上須臾又益一刀李毅賀曰三刀為州又益一刀其
臨益州乎果選益州
章孝標桐廬人元和進士初除秘書省正字太和中為大理評事

田家

田家無五行水旱卜蛙聲牛犢乘春放兒孫候暖

耕池塘煙未起桑柘雨初晴歲晚香醪熟村村自

送迎首句無字作不識音解通體村村稱題

田家五行上巳日聽蛙聲占水旱

李商隱義山五言近體徵引過多性靈失茲特取有風格者數章

河清與趙氏昆季燕集擬杜工部

勝槩殊江右佳名逼渭川虹收青嶂雨鳥沒夕陽

天客鬢行如此滄江坐渺然此中真得地漂蕩釣

魚船能以格勝

舊唐書河清縣屬河南府水經注首陽縣渭源城渭水出焉

蟬

本以高難飽徒勞恨費聲五更疎欲斷收題之神一樹碧無

情薄宦梗猶汎故園蕪已平煩君最相警我亦舉

家清

說苑土偶謂桃梗曰子東園之桃也刻子為梗遇天大雨水潦並至必浮子泛泛乎不知所止

合狐舍人說昨夜西掖翫月因戲贈

唐書令狐綯字子直楚之子大中三年拜中書舍人

昨夜玉輪明傳聞近太清涼波衝碧瓦曉暈落金

莖露索秦宮井風絃漢殿箏幾時絲竹頌擬薦子

虛名絲竹頌揚雄作楊莊誦於成帝子虛賦司馬相如作狗監楊得意表其名於武帝

月為金波劉駒餘詩標碧以為瓦廣韻暈府桃生露井上杜詩注風

箏挂箏於風際風至則鳴也

落花

起法之妙粘者不知高閣客竟去小園花亂飛參差連曲陌迢遞送斜

暉腸斷未忍埽眼穿仍欲歸芳心向春盡所得是

沾衣題易粘膩此能埽却白科

陳後宮

茂苑城如畫閭門瓦欲流還依水光殿更起月華

樓侵夜鸞開鏡迎冬雉獻裘從臣皆半醉天子正

無愁茂苑在臺城內非吳城之茂苑也閭闔門亦

宋書元嘉十二年齊所建月華樓乃陳后主所建

秦王俊為水殿陳書後主盛修宮室無時休

止異苑蜀賓王一鸞三年不鳴夫人日開鳥

絕晉咸寧起居注太醫司馬程據上雉頭裘

白為無愁之曲民題鄭大有隱居

結構何峯是。喧闐此地分。石梁高瀉月。樵路細侵雲。偃卧蛟螭室。希夷鳥獸羣。近知西嶺上。玉管有時聞。

老子視之不見名曰希聽之不聞名曰夷西嶺指緱山原注君居近子晉憩鶴室

晚晴

深居俯夾城。春去夏猶清。天意憐幽草。人間重晚晴。併添高閣迥。微注小窻明。越鳥巢乾後。歸飛體更輕。

細雨

蕭灑傍圓汀。依微過短亭。氣涼先動竹。點細未開

萍稍。促高高燕。微疎的的螢。故園煙草色。仍近五

明青。禮記注天子五門。淮南子的的者獲提。

淮南子的的者獲提。

和 落花有感

晴暖感餘芳。紅苞雜絳房。落時猶自舞。掃後更聞香。夢能收羅薦。仙歸敕玉箱。迴腸九迴後。猶有剩

迴腸

漢武內傳帝齋於尋真臺紫羅薦地夜二更後西王母至真語侍女皆青綾衣捧赤玉箱二枚青帶束絡之司馬遷書腸一日而九迴

過姚孝子廬偶書

拱木臨周道荒廬積古苔魚因感姜出鶴為吊陶
來兩鬢蓬常亂雙眸血不開聖朝敦爾類非獨路
人哀姜詩事母孝舍側涌泉每日出雙魚以供
母膳陶侃居母憂二客來吊化鶴飛去
左爾墓之木拱矣

少將

族亞齊安陸風高漢武威煙波別墅醉花月後門
歸青海聞傳箭天山報合圍一朝攜劍起上馬即
如飛

齊書安陸昭王繡宣皇帝之孫太祖受禪封安
陸侯神仙感錄漢武威太守鄒子南從道
士尹公授務成子螢火左佩之隱形辟疫鬼及
五兵白刃盜賊凶害永平間與虜戰矢下如雨

未至子南馬數人輒墮地終不能傷
傳舉兵以七寸金箭為契一百一驛有急兵驛
人臆前加銀鵲
甚急銀鵲益多

温庭筠

商山早行

上道山川攷商山在商州上洛縣南十
四里商洛縣南一里亦名地肺山又名
楚山四時所隱

晨起動征鐸客行悲故鄉雞聲茅店月人迹板橋

霜柳葉落山路枳花明驛墻因思杜陵夢鳧雁滿

回塘中晚律詩每于頸聯振
不起往往索然興盡

關中記板橋在商州北四十里
韻柳松構也說文枳木似橘 唐

送人東遊

古戍落黃葉。浩然離故關。高風漢陽渡。初日郢門山。江上幾人在。天涯孤棹還。何當重相見。尊酒慰離顏。
起謂最高

太子西池

世說明帝欲起池臺。元帝不許。帝時為太子。好養武士。一夕中作池。比曉已成。今太子西河是也。丹陽記西池。孫登所創。吳史所稱西苑也。晉明帝修復之耳。

花紅蘭紫葢。愁艸雨新晴。柳占三春色。鶯偷百鳥聲。日長嫌葦重。風暖覺衣輕。薄暮香塵起。長楊落

照明

盧氏池上遇雨贈同游

簟翻涼氣集。谿上潤殘基。萍皺風來後。荷喧雨到時。寂寥閒望久。飄洒獨歸遲。無限松江恨。煩君解釣絲。
四語與荷枯雨適間同妙

許渾字用晦。丹陽人。太和六年進士。為當塗。大平二縣令。大中二年為監察御史。歷睦郢二州刺史。有丁卯集。

送客歸蘭溪

一統志蘭溪即穀水也。川岸多蘭。故名。唐置蘭溪縣。屬婺州。
花下送歸客。路長應過秋。暮隨江鳥宿。寒共嶺猿

愁衆水喧嚴瀨羣峯抱沈樓因君幾南望曾向此

中遊沈樓卽元暢樓

嚴瀨嚴疾灘在桐廬一統志入詠樓在
金華府舊名元暢樓南齊太守沈約建

遊維山新興寺宿石屏村謝叟家

晚過石屏村却長日漸曛僧歸下嶺見人語隔溪

聞谷響寒耕雪由明夜燒雲家家扣銅鼓欲賽魯

將軍原注卽有

庚信詩烽火夜燒雲昔食貨志廣州夷人寶
貴銅鼓桂海器志銅鼓古蠻人所用南邊土中
時有掘得者相傳爲馬伏波所遺以手拊之聲似鞀鼓

送客歸湘楚

無辭一盃酒昔日與君深秋色換歸鬢曙光生別

心桂花山廟冷楓樹水樓陰此路千餘里應勞楚

客吟

馬

戴字虞臣未詳里居會昌四年進士大
中初太原李司空辟掌書記以正言
斥爲龍陽尉終太常博士

落日悵望

孤雲與歸鳥千里片時間念我何留滯辭家久未

還微陽下喬木遠色隱秋山臨水不敢照恐驚平

昔顏意格俱好在晚唐中
可云軒鶴立雞羣矣

送人遊蜀

卷十二

別離楊柳陌，迢遞蜀門行。若聽清猿後，應多白髮生。
即下所云愁人處 雜江聲，過盡愁人處。煙花是錦城。
杜云仲冬見虹霓豈蜀中虹霓與雨雪並見耶

送柳秀才往連州看弟

唐地理志連州連山郡本熙平郡天寶元年更名

離人非逆旅，有弟謫連州。楚雨霑猿暮，湘雲拂鴈秋。
蒹葭行廣澤，星月棹寒流。何處江關鎖，風濤阻客愁。

王粲詩萑蒲竟廣澤葭葦夾長流括地志江關夔州魚復縣南二十里江南岸白帝城

楚江懷古

淮南子荆楚之地江漢以為也

露氣寒光集，微陽下楚丘。猿啼洞庭樹，人在木蘭舟。
廣澤生明月，蒼山夾岸流。雲中君不降，竟夕自悲秋。

悲秋

洞庭湖在岳州巴陵縣西與荆江合述異記木蘭川在尋陽江中多木蘭樹曾般刻為舟九歌雲中君靈皇皇兮既降焱遠舉兮雲中注言雲神往來急疾

過野叟居

野人閒種樹，樹老野人前。居止白雲內，漁樵滄海邊。
呼兒採山藥，放犢飲溪泉。自著養生論，無煩憂暮年。

趙嘏

東歸道中

未明喚童僕江上憶殘春風雨落花夜山川驅馬
人星星一鏡髮草艸百年身此日念前事滄洲情
更親

左思詩星星白髮生于鬢垂

李遠

字承古蜀人太和五年進士歷忠建江三州刺史終御史中丞

送人入蜀

蜀客本多愁今君是勝遊碧藏雲外樹紅露驛邊
樓杜魄呼名語巴江學字流不知煙雨外何處夢

刀州

蜀志望帝遺魄化為杜鵑禽自懸於樹自呼曰謝豹方大邑嶺水折三回如巴字又名字江刀州見前李德裕詩

李羣玉

登蒲澗寺後巖

輿圖備攷昔蒲澗在廣州府北澗中產菖蒲一寸九節

五仙騎五羊何代降茲鄉澗有堯年韭山餘禹日
糧樓臺籠海色艸樹發天香歌嘯波光裏浮溟興
甚長

襄宇記廣州南海縣五羊城初有五仙人騎五色羊至因名呂氏春秋菖蒲一名堯薤能烏

髮運斗樞玉衡星散為菖蒲一名堯韭一名昌
陽廣州記甘溪澗水味甘冷傍有石名禹飲
糧

于武陵結彙云村曲人絕事云
會昌時人大中進士

贈賣松人

人市雖求利憐君意獨真欲將寒澗樹賣與翠樓
人瘦葉幾經雪淡花應少春長安重桃李徒染六
街塵

東門路

漢書注東都門
長安東郭門也

東門車馬路此路有浮沉白日若不落紅塵應更

深從來名利地皆起是非心所以青青艸年年生
漢陰

莊子子貢過漢陰見一丈人方將
為圃畦鑿隧而入井抱甕而出灌

項斯字子遷江東人始未有聞以卷謁楊
敬之楊贈詩云幾度見詩詩盡好及
觀標格過於詩平生不解藏人善到處逢
人說項斯未幾詩達長安明年擢上第

送歐陽衮之閩中

秦城幾歲住猶著故鄉衣失意時相識成名後獨
歸海秋蠻樹黑嶺夜瘴雲飛為學心難滿知君更

掩扉即勤學翻
知誤意

紀唐夫開成時人
餘未詳

送友人歸宜春

一統志宜春縣漢屬豫章郡隋大業初改為宜春郡

落花兼柳絮無處不紛紛遠道空歸去流鶯獨自

聞聖橋喧碓水山郭入樓雲故里南陔曲秋期欲

送君應是下第後送歸故里省親至秋期復送之入都也

碓水水碓也東晉補亡詩南陔孝子相戒以養也

周朴字大朴吳興人避地福州寄食烏石山黃巢寇闖欲降之朴曰我不仕天

子焉肯從賊遂見害

董嶺水

湖州安吉縣門與白雲齊禹力不到處河聲流向

西去衙山色遠近水月光低中有高人在沙中曳

杖藜安吉縣水勢寔流向西因眾山隘合也張其用筆之老五六少力朴自愛禹力不到

處二語有一士跨驢而行遇朴伴誦河聲流向東促驢行朴直追數里告之以流向西非東也當時

傳以為笑

唐地理志湖州吳興郡縣安吉

哭陳度

繫馬向山立一杯聊奠君野煙孤客路寒艸故人

墳琴韻歸流水詩情寄白雲日科休哭後松韻不

堪聞

陸龜蒙

村中晚望

抱杖柴門立。江村日易斜。雁寒猶憶侶。人病更離家。短髮堪成雪。雙眸舊有花。何須萬里外。卽此是天涯。

皮日休

字襲美。襄陽人。隱居鹿門。自號圃氣。布衣。咸通中。第進士。爲著作。則嘗流寓於吳。乾符亂。出關。爲黃賊所害。日休子光業。辨巢賊時。父依吳。越王無遇害事。陸游采人筆記中。

遊棲霞寺

寺在臨山。湖僧。紹拾宅爲寺。

不見明居士。空山但寂寥。白蓮吟次缺。青靄坐來

銷。泉冷無三伏。松圍有六朝。何時石上月。相對論

逍遙。

今棲霞之松。成圍幾十株。三人始能圍者。九株。今上錫名九株。松有御製詩。勒石。居士指僧。宿蓮社。高賢傳。謝靈運見遠公。肅然心服。乃卽寺築臺。翻涅槃經。鑿池植白蓮。時遠公諸賢同修淨土之業。因號白蓮社。陰陽書。侯夏至。後第三庚爲初伏。四庚爲中伏。立秋後。初庚爲末伏。謂之三伏。六朝紀異。六朝謂吳晉宋齊梁陳也。

張

喬

池州人。咸通中。與許棠。鄭谷。張蠙。諸人同號十哲。黃巢之亂。隱九華。以終。

送友人許棠

離鄉積歲年。歸路遠依然。夜火山頭市。春江樹杪船。于戈愁髮改。瘴癘喜家全。何處營甘旨。波濤浸薄田。

許

棠

字文化涇縣人久困名場李穎主
解試首薦之始得登第官江寧丞

登渭南縣樓

唐書渭南縣屬京兆
府在華州西五十里

近甸名偏著登城景又寬
半空分太華極目是長
安雪助河流漲人耕燒色殘
閒來時甚少欲下重

憑欄

高瞻闊步可
惜結法稍弱

寄蓋屋薛能少府

一統志蓋屋在西安府西南一
百六十里木漢舊縣屬右扶風

滿縣唯雲水何曾似近畿
曉庭禽集慣寒署吏衙
稀冰色封深澗樵聲出翠微
時聞迎隱者依舊著

山衣

野步

閒賞步易遠野吟聲自高
路無人到跡林有鶴遺
毛物外趣多別塵中心枉勞
沿溪收墮果坐石喚
饑猿

李咸用

唐末人未詳字與里居舉進士不
第應辟為推官有披沙集六卷

訪友人不遇

出門無至友動即到君家
空掩一庭竹去看何寺
花短僅應捧杖稚女學擎茶
吟罷留題處苔階日
影斜推官有危城三面水古樹一邊春及
春雨有五色灑來花旋成傳為名句

卷十二

聞泉

浙浙夢初驚。幽窗枕簟清。更無人共聽。祇有月空明。急想穿巖曲。低應過石平。欲將琴強寫。不是自然聲。

五六傳聞
然聲字之神
琴歷琴曲有
石上流泉

秋日訪同人

忽憶同心友。攜琴去自由。遠尋寒澗碧。深入亂山秋。見後卻無語。別來長獨愁。幸逢三五夕。露坐對冥搜。

○崔塗字禮山未詳里
居光故中進士

除夜有感

迢遞三巴路。羈危萬里身。亂山殘雪夜。孤燭異鄉人。漸與骨肉遠。轉於童僕親。那堪正飄泊。明日歲

華新。領聯名俊孤客親童僕何許
簡貴衍作十字便不及前人

○李昌符字巖夢與張喬許棠輩齊名咸
通四年進士歷膳部員外郎

旅遊傷春

酒醒鄉關遠。迢迢聽漏終。曙分林影外。春盡雨聲中。鳥倦江村路。花殘野岸風。十年成底事。羸馬厭西東。

晚秋歸故居

馬省曾行處連嘶渡晚河忽驚鄉樹出漸識路人
多細徑穿禾黍頽垣壓薜蘿乍歸猶似客鄰叟亦
相過情景俱真結意即村老鄰人滿牆頭感歎亦幽寂意

塞上行

朔野煙塵起天軍又舉戈陰風向晚急殺氣入秋
多樹盡禽棲艸冰堅路在河汾陽無繼者羌部肯

相和

七命舉戈林聳揮鋒電滅唐

郭子儀傳進封汾陽郡王

鄭谷字守愚袁州人光啟二年擢第乾寧

都官郎中谷詩名盛於唐末人

亂後途中憶張喬

天末去程孤沿淮復向吳亂離知又甚安穩到家
無樹盡雲垂野橋稀月滿湖傷心遶村路應少舊
耕夫

淮水名韻會吳郡

吳興丹陽為三吳

吐荀鶴字彥之池州人大順中進士後授翰

春宮怨

特貌而誤

不得已而隨俗

早被嬋娟誤欲妝臨鏡慵承恩不在貌教妾若為
容風暖鳥聲碎日高花影重年年越溪女相憶采
芙蓉迴憶盛年以自傷也須曲體此意

說文：嬋媚態也。方輿勝覽：若耶溪一名越溪，西施采蓮于此。

送人遊吳

史記：太伯奔荆蠻，自號句吳。

寫吳中如畫

君到姑蘇見人家，盡枕河古宮閒地少。水港小橋多夜市，賣菱藕春船載綺羅。遙知未眠月，鄉思在

漁歌

姑蘇山名

送人宰吳縣

漢地理志：會稽郡吳縣。

海漲兵荒後，為官合動情。字人無異術，至論不如

千古不易

清艸履隨船賣，綾梭隔岸鳴。惟持古人意，千里贈君行。

羅隱字昭諫，新登人。十上不中第，投錢鏐累官至鹽鐵發運副使，奏授司勳郎。

朱梁以諫議大夫召，不行。年七十七終。南唐李氏嘗遣使聘，越越人問見羅給事否，使人云：不識，亦不聞名。越人云：四海聞羅汀，東何拙之甚。荅云：為金榜無名，所以不知。

寄陸龜蒙

龍樓李丞相，昔歲仰高文。黃閣尋無主，青山竟未聞。夜船乘海月，秋寺伴江雲。卻恐塵埃裏，浮名點汗君。時李相公蔚嘗徵其詩，而未能用，故寄此詩。

劉稹莊末詳從詩話中采之

揚州送人

風致

桂楫木蘭舟。楓江竹箭流。故人從此去。望遠不勝愁。落日低帆影。迴風引棹謳。思君折楊柳。淚盡武昌樓。

魏收詩 桃發武陵

岸柳拂武昌樓

○韋 莊 寧 端 已 杜陵人 乾寧中進士授校書郎後依王建建即僞位拜散騎常侍

進吏部侍郎 平章事卒

延興門外作

長安志延興門 爲京城東面門

芳草五陵道。美人金犢車。綠奔穿內水。紅落過牆

花馬足倦遊客。烏聲歡酒家。王孫歸去晚。宮樹欲棲鴉。

婺州和陸諫議將赴闕懷陽羨山居

輿圖備攷浙江金華等 曰婺州 陽羨今宜興

望闕路仍遠。子牟魂欲飛。道開燒藥鼎。僧寄卧雲衣。故國饒芳艸。他山挂夕暉。東陽雖勝地。王粲奈思歸。

莊子中山公子牟謂瞻子曰身在江海之上心居魏闕之下奈何瞻子曰重生則利輕謝 輿圖備攷東陽屬金華

○李 洞 宇才江唐諸王孫昭宗時不第游蜀 爲詩追慕賈島人病其僻澁惟吳融

水稱

送雲卿上人遊安南

唐地理志安南中都護府本交趾郡

春往海南邊秋聞半路蟬
鯨吞洗鉢水犀觸點燈
船島嶼分諸國星河共一天
長安却回日松偃舊

房前

僧傳衣鉢釋書以燈喻法

王貞白 字有道永豐人乾寧中進士官校書郎

題嚴陵釣臺

山色四時碧溪光七里清
嚴陵愛此景下視漢公

卿垂釣月初上放歌風正輕
應憐渭濱叟匡國祗

論兵 正以不着斷語為高筆力亦復遒勁

御溝水

古今注長安御溝謂之楊溝以植楊于其上也雍錄御溝之水出于龍首山

一派御溝水綠槐相蔭清
此中涵帝澤無處濯塵

纓鳥道來雖險龍池到自平
朝宗心本切願向急

流傾 三語初作此波以示貫休休曰甚好只是剩一字貞白去休曰此公思敏書一中字於掌

頃貞白回曰已改此中休以掌示之相視而笑

長安志龍池在躍龍門南引龍首渠分溉之書江漢朝宗于海

秋日旅懷寄右省鄭拾遺

永夕愁不寐，草蟲喧客庭。半窗分曉月，當枕落殘星。
星鬢髮遊梁，白家山近越。青知者在諫，省苦調有誰聽。

張蠙字象文清河人乾寧中進士王建開國拜員外郎後王衍見其端頭細雨垂織草水面風川聚落花句命進詩稿欲召為知制誥宋光嗣以輕傲止之賜金而已

登單于臺

邊兵春盡迴，獨上單于臺。白日地中出，黃河天上來。
沙翻浪似浪，風急響疑雷。欲向陰關度，陰關曉不開。

周繇

海望

蒼茫空汎日，四顧絕人煙。半浸中華圻，傍通異域船。
鳥間知有國，波外恐無天。欲作乘槎客，翻然去

隔年友人賈滋衡詠海詩十章投之於海魚龍騰躍似迎此詩者然人以才大目之余謂詠海何難萬言惟簡而該為貴也讀鳥間知有國波外恐無天爽然自失矣

梅花

數萼初含雪，孤標盡本難。香中別有韻，清極不知寒。
橫笛和愁聽，斜枝倚病看。朔風如解意，容易莫摧殘。

宋若憲以下女士 若憲貝州人父延芬生五女皆警慧善屬文德宗召入呼女

學于若憲第四女也

催妝詩

通鑑注唐人成昏之夕有催妝詩却扇詩

雲安公主貴出嫁五侯家天母親調粉日兄憐賜花催鋪百子帳待障七香車借問妝成未東方欲

曉霞

春秋感精符人君父天母地兄日姊月世說補唐人婚禮用百子帳唐書公斗出隆乘七香步障四面垂玉香囊

薛

媛梁南楚材妻

寫真寄外

欲下丹青筆先拈寶鏡寒已驚顏索寞漸覺鬢凋殘淚眼描將易愁腸寫出難恐君渾忘卻時展畫

圖看

楚材旅遊受顏牧之眷欲妻以女無返舊意媛對鏡寫真并詩寄之楚材自慙還與借老

李

治字季蘭女冠也高冲武云士有自行亦豪蕩如遠水浮仙棹寒星

伴使車此五言之佳境也

寄校書七兄

無事烏程縣蹉跎歲月餘不知芸閣吏寂寞竟何如遠水浮仙棹寒星伴使車因過大雷澤莫忘幾

行書不求深遂白足雅音

唐地理志湖州領烏程縣 未鮑照與妹書僅及夫雷塗登于里一統志雷澤城在東昌府濮州東南一百里

送韓揆之西江

相看指楊柳別恨轉依依萬里西江水孤舟何處歸
歸溢城潮不到夏口信應稀唯有衡陽鴈年年來去飛

元淳洛中人女冠

寄洛中諸妹

舊國經年別關河萬里思題書憑鴈翼望月想蛾眉
眉白髮愁偏覺歸心夢獨知誰堪離亂處掩淚向

蛾

南枝

釋皎然以下釋氏皎然姓謝氏字清晝吳興人靈運十世孫居村山顏魯公為刺史集文士撰前海皎然預其論著貞元中取其集藏之于頤為序

送劉司法之越州

唐百官志司法督盜賊

蕭蕭鳴夜角驅馬背城濠雨後寒流急秋來朔吹高
高三山期望海八月欲觀濤幾日西陵路應逢謝

法曹

蓬萊方丈瀛洲為三神山詳卷二李詩枚乘七發將以八月之望觀濤乎廣陵會稽志西陵城在蕭山縣西十二里謝惠連有西陵阻風獻康樂詩

啼猿送客

萬里巴江外三聲月峽深何年有此路幾客其沾襟斷壁分垂影流泉入苦吟淒淒別離後聞此更傷心

尋陸鴻漸不遇

移家雖帶郭野徑入桑麻近種籬邊菊秋來未著花扣門無犬吠欲去問西家報道山中去歸來每日斜

通首散語在此以識標格

處默未詳聖果寺即今之吳山寺院北密而聖果寺不存矣江之東蕭山一巖皆曰是

路自中峯上盤回出薜蘿到江吳地盡隔岸越山多古木叢青霽遙天浸白波下方城郭近鐘磬雜笙歌

齊己姓胡襄州人名得生

早梅

萬木凍欲折孤根煖獨回前村深雪裏昨夜一枝開風遞幽香出禽窺素艷來明年如應律先發望春臺

三四格勝五六只是凡語原本昨夜數枝開許丁卯改一字即所謂一字師也

劍客

拔劍遶殘尊。歌終便出門。西風滿天雪。何處報人恩。勇死尋常事。輕讐不足論。翻嫌易水上。細碎動

離魂。豪爽何嘗。是僧詩。

史記燕太子丹遣荆卿入秦至易水上高漸離擊筑荆柯和而歌為變徵之聲又前而歌曰風蕭蕭兮易水寒壯士一去不復還復為羽聲慨慨

秋夜聽業上人彈琴

萬物都寂寂。堪聞彈正聲。人心盡如此。天下自和平。湘水瀉寒碧。古風吹太清。往年盧岳奏。今夕更

分明。淵顯之氣應在李順常建之間

徐陵書峯號香爐依然盧岳

寄方千處士鑑湖舊居

賀監舊山川。空來近百年。聞君與琴鶴。終日在漁船。島路深秋石。湖燈半夜天。雲門幾回去。題徧好林泉。

景雲 未詳

谿叟

谿翁居處靜。谿鳥入門飛。早起釣魚去。夜深乘月歸。露香菘米熟。煙暖苻絲肥。瀟灑塵埃外。扁舟一草衣。

終

